

qu'un comme un autre s'appelle; il vous le dira librement, mais il ne dira pas son nom. Il est vray que ie l'ay fait dire à quelques enfans lesquels me demandans le mien, & voyans que ie le disois librement, ils me disoyent aussi le leur.

Le 24^e estant allé dire la Messe à l'habitation de nos François, un Capitaine des Sauvages vint voir le sieur Emery de Caen, & luy dict que les Algonquains estés allez à la guerre contre les Hiroquois un de leurs hommes auoit esté tué, & l'autre pris prisonnier. Ce qui auoit tellement espouuanté les Montagnais, qu'ils s'en reuenoyent tous de la chasse du castor, & de l'ours, pour se cabaner pres du fort, crainte d'estre surpris de leurs ennemis. Ils se vouloyent rassembler pour estre plus forts: mais ils craignoient la faim en quittant leur chasse. Ils demanderent donc